



অবিলম্বে প্রকাশের উদ্দেশ্যে: 11/11/2021

গভর্নর ক্যাথি হোকল

ভেটেরান দিবস উপলক্ষ্যে NYS-এর বিখ্যাত স্থানগুলোতে আলোকসজ্জা করা হবে বলে গভর্নর হোকলের ঘোষণা

সব যুগের সামরিক সেবা প্রদানের প্রতি সমর্থন জানিয়ে 12টি ল্যান্ডমার্ক সবুজ আলো দিয়ে আলোকিত করা হবে

ভেটেরানদের জন্য তথ্য শেয়ার করার উদ্দেশ্যে রাজধানী অঞ্চলের ওয়েলকাম সেন্টারে প্রথম ভেটেরান্স কিয়স্ক স্থাপন করা হয়েছে

গভর্নর ক্যাথি হোকল আজ ঘোষণা করেছেন যে ভেটেরান দিবস উপলক্ষ্যে 11 নভেম্বর, 2021 তারিখে নিউ ইয়র্ক স্টেটের বিখ্যাত স্থানগুলো সবুজ লাইট দিয়ে আলোকিত করা হবে।

"ভেটেরান দিবস হলো আমাদের গণতন্ত্র ও আমাদের স্বাধীনতাকে রক্ষার জন্য সেবা প্রদানকারী সাহসী ব্যক্তিদের প্রতি আমাদের কৃতজ্ঞতা প্রকাশ করার একটি উপলক্ষ্য," বলেছেন গভর্নর হোকল। "ভেটেরানদের ও তাদের পরিবারগুলোর প্রয়োজনীয় সহায়তা ও সংস্থানগুলো পাওয়া নিশ্চিত করতে আমরা রাজধানী অঞ্চলে প্রথম ভেটেরান্স ওয়েলকাম সেন্টার কিয়স্ক সম্পন্ন করার মতো নতুন উদ্যোগগুলোতে নেতৃত্ব দেয়া অব্যাহত রাখবো। আজকের এই আলোকসজ্জা নিউ ইয়র্কের ভেটেরানদের প্রতি আমাদের অবিচল সমর্থনের প্রতিনিধিত্ব করে যা তাদের দেখায় যে আমরা প্রতিদিন তাদের ও তাদের পরিবারের পাশে থাকবো।"

ভেটেরান দিবসের স্বীকৃতিতে যেসব বিখ্যাত স্থানগুলো আলোকিত করা হবে সেগুলোর মধ্যে রয়েছে:

- ওয়ান ওয়ার্ল্ড ট্রেড সেন্টার
- গভর্নর মারিও এম. কুওমো ব্রিজ
- কস্কুইজকো ব্রিজ
- এইচ. কার্ল ম্যাককল SUNY বিল্ডিং
- রাষ্ট্রীয় শিক্ষা ভবন

- আলফ্রেড ই. স্মিথ স্টেট অফিস বিল্ডিং
- স্টেট ফেয়ারগ্রাউন্ডস - প্রধান গেট ও এক্সপো সেন্টার
- "ফ্ল্যাঙ্কলিন ডি. রুজভেল্ট" মিড-হাডসন ব্রিজ
- গ্র্যান্ড সেন্ট্রাল টার্মিনাল - পারশিং স্টেশন ভায়াডাক্ট
- অ্যালবানি ইন্টারন্যাশনাল এয়ারপোর্ট গেটওয়ে
- লেক প্লাসিড অলিম্পিক জাম্পিং কমপ্লেক্স
- MTA LIRR – পেন স্টেশনে ইস্ট এন্ড গেটওয়ে

বিখ্যাত স্থানগুলোকে আলোকিত করার এই কাজটি অপারেশন গ্রিন লাইট (Operation Green Light) নামক একটি নতুন স্টেটব্যাপী উদ্যোগের অংশ যা NYS অ্যাসোসিয়েশন অব কাউন্টিজ (NYS Association of Counties), NYS কাউন্টি ভেটেরান সার্ভিস অফিসার্স অ্যাসোসিয়েশন (NYS County Veteran Service Officers' Association) এবং NYS কাউন্টি এক্সিকিউটিভস অ্যাসোসিয়েশন (NYS County Executives' Association)-এর সহযোগিতায় পরিচালিত হয়ে থাকে। এই ক্যাম্পেইনের উদ্দেশ্য হলো সবুজ আলোর প্রতীকী ব্যবহারের মধ্য দিয়ে সব যুগের সামরিক সেবা প্রদানের প্রতি সমর্থনের একটি দৃশ্যমান প্রতিনিধিত্ব প্রকাশ করা। এসব সবুজ আলো সেবা প্রদানকারী ব্যক্তিদের প্রতি নিউ ইয়র্কের অবিরাম অঙ্গীকারাবদ্ধতা দেখানোর ক্ষেত্রে একটি সমর্থনের প্রদীপ হিসেবে ভূমিকা পালন করবে।

NYS কাউন্টি ভেটেরান সার্ভিস অফিসার্স অ্যাসোসিয়েশন-এর প্রেসিডেন্ট জ্যাসন স্কিনার (ইরাক যুদ্ধের ভেটেরান) বলেন, "আমি আমার কমিউনিটিকে নিয়ে এবং টিওগা কাউন্টি, এলমিরা, সিরাকিউস, মনরো কাউন্টি থেকে যারা এই আলোকে স্টেটব্যাপী, এবং এখন স্টেটের বিখ্যাত স্থানগুলোর প্রতিটিতে ছড়িয়ে দিয়েছেন তাদেরকে নিয়ে গর্বিত। মার্থা সাওয়ারে, স্টিফেন অ্যাকুয়ারিও এক্সয়ার, ও মার্কাস মলিনারিও সরকার ও সমর্থনের সেবা পর্যায়ের উজ্জ্বল দৃষ্টান্ত হিসেবে সত্যিই ফুটে উঠেছেন। এই শক্তিশালী স্থানীয় উদ্যোগ এখন আমাদের স্টেটের সমর্থন অর্জন করেছে। আমরা সেবা প্রদানকারী ব্যক্তিদেরকে সম্মান প্রদর্শন করার একই কমন লক্ষ্য শেয়ার করি। আমার অনেকের সমর্থন পাওয়ার সৌভাগ্য হয়েছে, এবং এখন আমি আরো একজনের সমর্থন পেলাম। ধন্যবাদ গভর্নর হোকল। আমাদের ভেটেরানদের আরো ভালোভাবে সেবা দেয়ার জন্য সহযোগিতামূলক টেকসই প্রচেষ্টার ক্ষেত্রে একসঙ্গে কাজ করার জন্য আমি প্রত্যাশা রাখি।"

NYS অ্যাসোসিয়েশন অব কাউন্টিজ-এর এক্সিকিউটিভ ডিরেক্টর স্টিফেন জে. অ্যাকুয়ারিও বলেন, "আমাদের ভেটেরানদের সেবা ও ত্যাগের উপর আলোকপাত করার জন্য স্টেটব্যাপী কাউন্টিগুলোর সাথে যোগ দেয়ায় এবং ভেটেরানদের তাদের অর্জিত সুবিধাসমূহ ও

সহায়তা পাওয়া নিশ্চিত করার জন্য গভর্নর হোকলের অঙ্গীকারের জন্য আমরা তার প্রশংসা করি। অপারেশন গ্রিন লাইট ব্যক্তিদের, ব্যবসা প্রতিষ্ঠানগুলো ও সরকারি নেতৃবৃন্দকে ভেটেরান কমিউনিটির সদস্যদের কাছে পৌঁছানোর এবং আমরা যে তাদের পাশে আছি এবং তারা আমাদের দেশ ও আমাদের জীবনযাত্রাকে সুরক্ষিত রাখতে যা করেছেন সেসবের জন্য আমরা যে তাদের প্রতি কৃতজ্ঞ সেটা তাদেরকে জানানোর একটি সুযোগ প্রদান করে। এই ভেটেরান দিবসে এবং আগামী দিনগুলোতে, আমরা স্বাধীনতার জন্য সবকিছু বাজি রাখা পুরুষ ও মহিলাদের জন্য আশা ও সমর্থনের প্রতীক হিসেবে সবুজ আলো প্রদর্শনের ক্ষেত্রে সবাইকে আমাদের সাথে যোগ দিতে উৎসাহিত করছি।"

NYS কাউন্টি এক্সিকিউটিভস অ্যাসোসিয়েশনের প্রেসিডেন্ট মার্কাস জে. মলিনারিও বলেন, "আমরা কখনোই এই আমেরিকান হিরোদের সেবা ও ত্যাগের পুরোপুরি মূল্য দিতে পারবো না - কিন্তু আমরা তাদের জন্য আরো ভালো কিছু করতে পারি। একসঙ্গে, একটি কৃতজ্ঞ জাতিকে সেবা প্রদানকারী ব্যক্তিদের প্রতি আশা ও কৃতজ্ঞতার নিদর্শনস্বরূপ আমরা একটি আলো প্রজ্জ্বলন করছি - সেইসাথে নিউ ইয়র্কজুড়ে কাউন্টিগুলোর তরফ থেকে আমাদের ভেটেরানদের প্রদান করা পরিষেবা ও সংস্থানগুলোর উপর আলোকপাত করছি। ভবন ও অবকাঠামোগুলকে সবুজ আলোয় আলোকিত করে নিউ ইয়র্কের কাউন্টিগুলোর সাথে যোগ দেয়ার জন্য আমরা গভর্নর হোকলকে ধন্যবাদ জানাই, যা নিউ ইয়র্ককে আমাদের ভেটেরানদের সেবা সেবাটুকু দেয়ার, তাদের কথা শোনার, তাদের কাছ থেকে শিক্ষা গ্রহণ করার ও তাদেরকে ধন্যবাদ জানানোর জন্য আমাদের দায়িত্ব স্মরণ করিয়ে দেয়ার জন্য একটি সম্মিলিত আলোক প্রদীপে পরিণত করেছে।"

এছাড়া গভর্নর হোকল নিউ বাল্টিমোরে রাজধানী অঞ্চলের ওয়েলকাম সেন্টারে স্টেটের প্রথম ভেটেরানস ওয়েলকাম সেন্টার কিয়স্ক স্থাপন করার ঘোষণাও দিয়েছেন। এই নতুন কিয়স্ক বিশেষায়িত তথ্য ও সহায়তা প্রদান করবে এবং ভেটেরানরা উপযুক্ত বিবেচিত হতে পারেন এমন কর্মসূচি ও পরিষেবাগুলো সম্পর্কে তাদের জানার একটি গেটওয়ে হিসেবে কাজ করবে। এই নবনির্মিত কিয়স্কটি ভেটেরানদের ও তাদের পরিবারগুলোর জন্য স্থানীয়, স্টেট, ও ফেডারেল পর্যায়ের সেবাগুলো সম্পর্কে সচেতনতা বৃদ্ধি করবে।

DVS-এর এক্সিকিউটিভ ডেপুটি ডিরেক্টর জোয়েল ইভান্স বলেন, "নিউ ইয়র্ক স্টেটে সর্বপ্রথম ভেটেরানদের তথ্যের কিয়স্ক তৈরি করার ক্ষেত্রে গভর্নর হোকলের নেতৃত্বের জন্য আমি তাকে সাধুবাদ জানাই। এই প্ল্যাটফর্মটি বর্তমান ভেটেরানদেরকে আমাদের স্টেট ও দেশের সেবা করতে গিয়ে তারা যেসব সুবিধাসমূহ অর্জন করেছেন সেগুলো সম্পর্কে অ্যাক্সেসযোগ্য তথ্য পাওয়ার একটি গুরুত্বপূর্ণ সুযোগ প্রদান করে। DVS এবং এর অংশীদার সংস্থাগুলো নিউ ইয়র্কের আরো বেশি ভেটেরান পরিবারের সাথে সংযুক্ত হওয়ার এবং তাদেরকে সহায়তা করার জন্য এই কিয়স্ক ব্যবহারের প্রত্যাশা রাখে।"

ভেটেরান, সার্ভিস মেম্বার ও তাদের পরিবারের জন্য বর্তমানে কমপক্ষে 60টি অনন্য স্টেট সুবিধার ব্যবস্থা রয়েছে। এসব সুবিধার মধ্যে শিক্ষাগত সুবিধা, এবং কর্মসংস্থান সংক্রান্ত সহায়তার জন্য অগ্রাধিকারমূলক অ্যাক্সেস, সেবা প্রদানের সাথে সম্পর্কিত অক্ষমতার জন্য দেয়া ক্ষতিপূরণে অ্যাক্সেস, এবং আরো অনেক কিছু অন্তর্ভুক্ত রয়েছে। এই কিয়স্ক এসব কর্মসূচি

সম্পর্কে আরো তথ্য জানার একটি কার্যকর ও বোধগম্য উপায় প্রদান করে, সেইসাথে স্টেটের সংস্থাগুলোর জন্য ভেটেরানদের সাথে ফলোআপ করার এবং তারা তাদের সামরিক সেবার মাধ্যমে অর্জিত সব সুবিধা পাচ্ছেন তা নিশ্চিত করার একটি উপায় প্রদান করে।

714,000 এরও বেশি ভেটেরান ও তাদের পরিবার নিউ ইয়র্ক স্টেটকে নিজেদের ঠিকানা করে নিয়েছেন, যাদের মধ্যে আলবানি, কলম্বিয়া, গ্রিনি, সারাটোগা, স্কেনেকটেডি, রেনসেলার, ওয়ারেন, ও ওয়াশিংটন কাউন্টিতে আনুমানিক 64,000 জন বসবাস করেন। রাজধানী অঞ্চলের ওয়েলকাম সেন্টারটি বছরে আনুমানিক 500,000 দর্শনার্থীকে স্বাগত জানিয়ে থাকে এবং এটি ভ্রমণকারীদের জন্য একটি নিরাপদ ও সহজে অ্যাক্সেসযোগ্য জায়গা যা নিউ ইয়র্ক স্টেটের ভেটেরানদের প্রথম কিয়স্ক-এর জন্য একটি আদর্শ অবস্থান।

এই উদ্যোগের সাথে অংশীদার হয়ে শ্রম বিভাগ (Department of Labor, DOL) ভেটেরানদেরকে এর ভার্চুয়াল ক্যারিয়ার সেন্টারে অংশগ্রহণ করতে আমন্ত্রণ জানাবে। 2020 সালে যখন সরাসরি উপস্থিত হয়ে সেবা প্রদান করা বন্ধ হয়ে গিয়েছিল, DOL তখন অবিলম্বে ব্যাপক পরিসরে ভার্চুয়াল ক্যারিয়ার সেন্টার পরিষেবা প্রদান করা শুরু করেছিল। আজ, গ্রাহকদেরকে ভার্চুয়াল ক্যারিয়ার সেন্টারে আমন্ত্রণ জানানো যায়, যা চাকরি সন্ধানকারী একজন ব্যক্তির দক্ষতা ও অভিজ্ঞতার সাথে মিলে যায় এমন চাকরির খোঁজ দেয়ার জন্য শক্তিশালী কৃত্রিম বুদ্ধিমত্তা দ্বারা চালিত উন্নত প্রযুক্তি ব্যবহার করে থাকে।

নিউ ইয়র্ক স্টেটের শ্রম বিভাগের কমিশনার রবার্টা রিয়ারডন বলেন, "প্রয়োজনের সময়ে আমাদের জাতির সেবা করার জন্য আমরা আমাদের ভেটেরানদের কাছে চিরঞ্চা। নিউ ইয়র্ক স্টেটের শ্রম বিভাগ ভেটেরানদের সহ সব কর্মহীন নিউ ইয়র্কবাসীকে তাদের ক্যারিয়ারের লক্ষ্যকে বাস্তবে পরিণত করার জন্য পরিষেবা ও সহায়তা প্রদান করে থাকে। আমাদের হিরোরা যাতে তাদের জন্য লভ্য প্রতিটি সংস্থান অ্যাক্সেস করতে পারেন তা নিশ্চিত করার জন্য এই ডিজিটাল কিয়স্ক নিউ ইয়র্কের অঙ্গীকারবদ্ধতার একটি অংশ।"

ভেটেরানদের সুবিধাসমূহ সম্পর্কে আরো তথ্যের জন্য, অনুগ্রহ করে 888-838-7697 নম্বরে ফোন করে অথবা [ওয়েবসাইটে](#) গিয়ে নিউ ইয়র্ক স্টেটের ডিভিশন অব ভেটেরান্স সার্ভিসেস (Division of Veterans' Services)-এর একজন ভেটেরান্স বেনিফিটস অ্যাডভাইজরের সাথে অ্যাপয়েন্টমেন্ট নিন।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)